

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Vita Christi - Cod. Donaueschingen 436**

**Michael <de Massa>**

**Oberrheinischer Sprachraum (im Übergangsbereich zum Schwäbischen?), [Mitte des 15. Jahrhundert]**

Buchschmuck

[urn:nbn:de:bsz:31-93623](https://nbn-resolving.org/urn:nbn:de:bsz:31-93623)

rulven ein wenig in solcher betrachtunge ob du in  
solicher betrüpnisse flossen kanst bis an die prime

**Hye würt ih̄s für gericht gefürt vor pylatum**



**D**v solt do noch  
in dimer betrach  
tunge wider an  
heben mit einem  
betrüpten herze  
wie die obersten  
von den Juden  
wider kōment  
zu Cayfas huse  
vnd gant zu rāte  
wie sū ihesu vnser  
hzen vberrichten  
wollet zu dem

tode vnd dar kōmen die knechte vnd holten ihesu  
also gebonden vnd tūn yn anderwerbe für kōmen  
vnd do frogete Cayfas vnser heren ihesu mag ge  
schien anderwerbe vnd sprach Ich beswere dich by  
dem lebedigen gotte sage vns ob du bist son des ge  
benedeten gottes vnd do antwurtte ih̄s vnser hze  
vnd sprach Ich bins. Do sprach cayfas zu den andn  
wir endorffen keiner gezügen me er ist des todes  
schuldig. Ach nu sihe lieber mensche wie gar vn  
barmhertighen sū Im tünd binden noch vester mit